

## CONVOCATORIA DE PRBAS ESPECÍFICAS DE ACCESO AOS ESTUDOS DE GRAO EN CIENCIAS DA ACTIVIDADE FÍSICA E DO DEPORTE, DA FACULTADE DE CIENCIAS DO DEPORTE E A EDUCACIÓN FÍSICA DA UNIVERSIDADE DA CORUÑA (UDC), PARA O CURSO ACADÉMICO 2026-2027

O Real decreto 1423/1992, do 27 de novembro, sobre incorporación á universidade das ensinanzas de Educación Física, establece no seu artigo 3 que as universidades, atendendo ás aptitudes indispensables para a aprendizaxe das materias ou disciplinas propias das ensinanzas de educación física, poderán realizar, ás persoas que soliciten iniciar estes estudos, probas de avaliación das aptitudes persoais para a actividade física e o deporte que, en ningún caso, consistirán en probas de coñecementos e ás que unicamente se lles outorgará a cualificación de apto ou non apto.

As normas vixentes que regulan as condicións de acceso ás ensinanzas universitarias oficiais de Grao e o procedemento de admisión ás universidades públicas españolas permite que as universidades poidan establecer probas específicas para o acceso a determinadas ensinanzas; non obstante, a solicitude para realizar as probas específicas non exime da realización dos trámites de acceso e admisión á universidade, regulados no RD 534/2024, do 11 de xuño, polo que se regulan os requisitos de acceso ás ensinanzas universitarias oficiais de grao, as características básicas da proba de acceso e a normativa básica dos procedementos de admisión.

O apto nas probas físicas das universidades da Coruña e de Vigo será recoñecido para o acceso ao Grao en Ciencias da Actividade Física e do Deporte desta universidade.

De acordo co exposto, convócanse as probas específicas de acceso, que se rexerán polas seguintes

### BASES

#### Primeira: número de prazas

O número de prazas para a admisión aos estudos de 1º curso do Grao en Ciencias da Actividade Física e do Deporte para o curso académico 2026-2027 será o que aprrobe a Comunidade Autónoma de Galicia, logo da proposta do Consello de Goberno da UDC.

#### Segunda: requisitos

Ademais das persoas que reúnan os requisitos previstos no capítulo II do RD 412/2024, do 11 de xuño, polo que se regulan os requisitos de acceso ás ensinanzas universitarias oficiais de grao, as características básicas da proba de acceso e a normativa básica dos procedementos de admisión, poderán presentarse ás probas específicas de acceso quen teña superado ou estea cursando o bacharelato ou un Ciclo Formativo de Grao Superior.


De acordo co disposto no artigo 9 do RD 971/2007, do 13 de xuño, sobre deportistas de alto nivel e de alto rendemento, estas persoas están exentas de realizar estas probas, sen prexuízo do alcance e límites desta condición establecidos no artigo 16 do citado Real Decreto.

As persoas aspirantes que obteñan a cualificación de “apto” nas probas específicas de acceso nesta convocatoria non terán que realizalas novamente nas convocatorias dos cursos académicos 2027/2028 e 2028/2029, sen prexuízo de cumprir coa normativa de acceso e admisión á universidade.

#### Terceira: solicitude de matrícula para realizar as probas de admisión e documentación que se debe achegar

As persoas que desexen realizar as probas específicas deberán cubrir o formulario en liña dispoñible na

Código Seguro De Verificación	4yiHUTvqfqTsFfapU18/kw==	Estado	Data e hora
Asinado Por	Reitor - Ricardo José Cao Abad	Asinado	12/02/2026 23:20:57
Observacións		Páxina	1/6
Url De Verificación	<a href="https://sede.udc.gal/services/validation/4yiHUTvqfqTsFfapU18%2Fkw%3D%3D">https://sede.udc.gal/services/validation/4yiHUTvqfqTsFfapU18%2Fkw%3D%3D</a>		
Normativa	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).		



páxina web da Facultade de Ciencias do Deporte e a Educación Física, accesible a través da ligazón <https://probasinefgalicia.udc.es/inscripcion/paxina-inicio.htm>.

Unha vez cuberto o formulario, as persoas aspirantes deberán achegar a seguinte documentación nos apartados correspondentes da aplicación:

- Pdf ou imaxe (jpg) do documento de identidade (DNI por ambas caras / Pasaporte).
- Certificado médico expedido en data recente (como máximo nos catro meses anteriores ao prazo de entrega da documentación), no que conste que a persoa solicitante non padece ningunha enfermidade ou patoloxía na que estea contraindicada a práctica deportiva.
- Xustificante do pagamento dos dereitos de exame e do seguro de accidentes. No concepto do pagamento deberá indicarse o nome da persoa aspirante.
- Documentación xustificativa, no seu caso, de bonificación ou exención de prezos.

As persoas aspirantes incluídas na quenda de discapacidade deberán:

- Solicitar expresamente, mediante instancia dirixida ao decano da Facultade de Ciencias do Deporte e a Educación Física, que se realicen as adaptacións necesarias ao seu caso.
- Achegar xunto coa súa documentación a certificación oficial de discapacidade, recoñecida polo órgano correspondente da Xunta de Galicia ou outro órgano oficial competente.

A non presentación de toda a documentación no prazo establecido será motivo de non admisión ás probas.

#### **Cuarta: prazos de matrícula para as probas específicas de acceso**

Os prazos de matrícula para realizar as probas específicas de acceso serán os seguintes:


- Oportunidade do **25 de abril de 2026**: do 23 de febreiro ata as 14:00 horas do 17/03/2026.
- Oportunidade do **15 de xuño** (e 16 de xuño, se fose necesario polo elevado número de aspirantes) de 2026: do 08/05/2026 ata as 14:00 horas do 26/05/2026.

Á **oportunidade do 15 de xuño** (e 16 se fose necesario) poderán concorrer aquelas **persoas que non obtivesen a cualificación de APTO na oportunidade de abril**, así como **aquelas que, por calquera circunstancia, non se presentasen** a esta. En ambos os casos será **necesaria unha nova inscrición para esta oportunidade**.

Unha vez pechado o prazo de matrícula de cada oportunidade, a Facultade de Ciencias do Deporte e a Educación Física publicará a relación provisional de persoas admitidas e excluídas no taboleiro de anuncios da Sede Electrónica da UDC e na páxina web do centro, abríndose un prazo de cinco días naturais para posibles reclamacións. A relación definitiva publicarase nos mesmos lugares. Contra esta resolución poderá interpoñerse recurso de alzada ante o reitor, no prazo máximo dun mes contado desde o día seguinte ao da súa publicación.

#### **Quinta: dereitos de exame**

O importe dos dereitos de exame é de 63,67 €, máis 6 € en concepto de seguro de accidentes, cantidades que se aboarán nun único pagamento. As posibles bonificacións ou exencións de prezos estarán suxeitas ao disposto no capítulo correspondente aos prezos públicos da Normativa de xestión académica para o curso 2025/2026, aprobada por Resolución reitoral do do 25 de xuño de 2025, e serán de aplicación unicamente ao importe dos dereitos de exame.

<b>Código Seguro De Verificación</b>	4yiHUTvqfqTsFfapU18/kw==	<b>Estado</b>	<b>Data e hora</b>	
<b>Asinado Por</b>	Reitor - Ricardo José Cao Abad	Asinado	12/02/2026 23:20:57	
<b>Observacións</b>		<b>Páxina</b>	2/6	
<b>Url De Verificación</b>	<a href="https://sede.udc.gal/services/validation/4yiHUTvqfqTsFfapU18%2Fkw%3D%3D">https://sede.udc.gal/services/validation/4yiHUTvqfqTsFfapU18%2Fkw%3D%3D</a>			
<b>Normativa</b>	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).			

O pagamento dos dereitos de exame e do seguro de accidentes deberá realizarse a través da seguinte pasarela de pagamento: <https://udcxest.udc.gal/xest/index.xhtml?codArea=CDEF>

O pagamento dos dereitos de exame permitirá presentarse ás dúas oportunidades previstas nesta resolución (abril e xuño). **No caso de presentarse tamén á segunda oportunidade, só será necesario aboar novamente o seguro de accidentes, cursar a solicitude na aplicación de inscrición nos prazos indicados e achegar o xustificante do pagamento do seguro e o certificado médico, no caso de que a data de expedición do anterior supere os catro meses.**

#### **Sexta: lugar e datas de realización das probas**

As probas realizaranse nas instalacións da Facultade de Ciencias do Deporte e a Educación Física da Universidade da Coruña, situada na Avda. Ernesto Che Guevara, 121, 15179 Oleiros.

As dúas oportunidades de realización das probas específicas de acceso terán lugar nas datas establecidas na base cuarta.

#### **Sétima: regulamento das probas específicas de acceso**

As probas desenvolveranse de acordo co previsto no Regulamento das probas específicas de acceso aos estudos de Grao en Ciencias da Actividade Física e do Deporte.

#### Descrición e orde de realización

Consistirán na realización de tres probas de aptitude para a actividade física e o deporte, con puntuacións A e B, conforme ao baremo recollido no Anexo I desta convocatoria e seguindo a orde que se indica a continuación:

- Bloque 1: Proba de adaptación ao medio acuático
- Bloque 2: Escoller unha das tres seguintes:
  - Proba de axilidade no chan
  - Proba de carreira de obstáculos
  - Proba de axilidade co balón
- Bloque 3: Proba de resistencia cíclica


#### Puntuacións e procedemento

A persoa aspirante deberá realizar tres probas: obrigatoriamente as probas de adaptación ao medio acuático e de resistencia cíclica (bloques 1 e 3), e unha terceira elixida no momento da inscrición entre as tres restantes (bloque 2). Para obter a cualificación de apto será necesario, cando menos, a puntuación A en dúas probas e B na terceira. O tribunal poderá descualificar á persoa aspirante nunha proba se non cumpre o establecido no Regulamento.

O tribunal poderá modificar a orde das probas se fose necesario por razóns organizativas. Cando o rendemento da persoa aspirante nunha proba se vexa interferido por motivos alleos á súa vontade, a xuízo do tribunal, poderá repetirse a proba.

#### **Oitava: aptos**

Finalizada cada oportunidade publicarase a relación provisional de persoas aptas e non aptas, conforme

<b>Código Seguro De Verificación</b>	4yiHUTvqfqTsFfapU18/kw==	<b>Estado</b>	<b>Data e hora</b>	
<b>Asinado Por</b>	Reitor - Ricardo José Cao Abad	Asinado	12/02/2026 23:20:57	
<b>Observacións</b>		<b>Páxina</b>	3/6	
<b>Url De Verificación</b>	<a href="https://sede.udc.gal/services/validation/4yiHUTvqfqTsFfapU18%2Fkw%3D%3D">https://sede.udc.gal/services/validation/4yiHUTvqfqTsFfapU18%2Fkw%3D%3D</a>			
<b>Normativa</b>	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).			

ao baremo establecido no Regulamento. A Facultade de Ciencias do Deporte e a Educación Física publicará esta relación no taboleiro de anuncios da Sede Electrónica da UDC e na páxina web do centro, abríndose un prazo de cinco días naturais para posibles reclamacións. Resoltas estas, publicarase a relación definitiva nos mesmos lugares. Contra esta relación poderá interpoñerse recurso de alzada ante o reitor no prazo dun mes contado desde o día seguinte ao da súa publicación.

O “apto” nestas probas específicas de acceso (nas universidades da Coruña e de Vigo) desta convocatoria terá validez para acceder ao Grao en Ciencias da Actividade Física e do Deporte da Universidade da Coruña no curso académico 2026-2027, mantendo a súa vixencia durante os dous cursos seguintes (2027-2028 e 2028-2029), e será comunicado á Comisión Interuniversitaria de Galicia (CIUG).

#### **Novena: tribunal**

As probas específicas serán cualificadas por un tribunal nomeado polo reitor da Universidade da Coruña, por proposta do decano da Facultade de Ciencias do Deporte e a Educación Física, entre o seu profesorado, e estará presidido polo decano ou persoa en quen delegue.

Os membros do tribunal percibirán as indemnizacións establecidas no Decreto 144/2001, do 7 de xuño, correspondentes á categoría 1ª, sobre indemnizacións por razón do servizo ao persoal con destino na Administración autonómica de Galicia.

#### **Décima: protección de datos**


De acordo co artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos (Regulamento xeral de protección de datos ou RXPD), e co artigo 11 da Lei orgánica 3/2018, do 5 de decembro, de protección de datos persoais e garantía dos dereitos dixitais, informamos de que os datos que a persoa interesada facilite mediante a concorrencia a esta convocatoria serán tratados baixo a responsabilidade da Universidade da Coruña (UDC), cuxos datos de contacto son R/Maestranza 9, 15001 A Coruña, teléfono 981 167 000, correo electrónico [secretariaxeral@udc.gal](mailto:secretariaxeral@udc.gal).

A finalidade do tratamento destes datos persoais é a correcta xestión da presente convocatoria. Todas as persoas que teñan acceso a estes datos coa devandita finalidade cumpriran o deber de confidencialidade establecido no artigo 5 da Lei orgánica 3/2018, do 5 de decembro, de protección de datos persoais e garantía dos dereitos dixitais (LOPD).

Mediante a concorrencia a esta convocatoria, a persoa interesada consinte expresamente a publicación dos seus datos na resolución da solicitude nos taboleiros físicos da UDC e no Taboleiro Oficial da Sede Electrónica da UDC, na forma prevista na disposición adicional sétima da Lei orgánica 3/2018, de protección de datos persoais. A resolución desta convocatoria permanecerá publicada nos devanditos taboleiros durante un prazo de 30 días contados a partir da data da súa publicación.


Estes datos trátaranse durante o tempo imprescindible para cumprir coa finalidade indicada nesta convocatoria.

A persoa interesada consinte o tratamento dos datos para os efectos de cumprir coa finalidade descrita nesta convocatoria e terá dereito a retirar o seu consentimento en calquera momento, sen efectos retroactivos. Ten dereito a solicitar ao responsable do tratamento, en calquera momento, o acceso, a rectificación ou a supresión dos seus datos persoais e a limitación do seu tratamento. Así mesmo, terá dereito a opoñerse ao devandito tratamento, así como a solicitar, agás nos casos de interese público

<b>Código Seguro De Verificación</b>	4yiHUTvqfqTsFfapU18/kw==	<b>Estado</b>	<b>Data e hora</b>	
<b>Asinado Por</b>	Reitor - Ricardo José Cao Abad	Asinado	12/02/2026 23:20:57	
<b>Observacións</b>		<b>Páxina</b>	4/6	
<b>Url De Verificación</b>	<a href="https://sede.udc.gal/services/validation/4yiHUTvqfqTsFfapU18%2Fkw%3D%3D">https://sede.udc.gal/services/validation/4yiHUTvqfqTsFfapU18%2Fkw%3D%3D</a>			
<b>Normativa</b>	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).			

e/ou exercicio de poder público, a portabilidade dos seus datos. Estes dereitos poderán exercerse mediante unha solicitude remitida ao seguinte enderezo: Secretaría Xeral, Reitoría da Universidade da Coruña, R/Maestranza 9, 15001 A Coruña, ou ao correo electrónico [secretariaxeral@udc.gal](mailto:secretariaxeral@udc.gal), con referencia «protección de datos», a través dun escrito asinado para o efecto, ao que se achegará a fotocopia do seu DNI. Igualmente, poderá dirixir esta solicitude directamente ao Delegado de Protección de Datos, no mesmo enderezo postal indicado anteriormente, ou ao correo electrónico [dpd@udc.gal](mailto:dpd@udc.gal). Así mesmo, ten dereito a presentar unha reclamación ante a Axencia Española de Protección de Datos (AEPD).

Documento asinado dixitalmente polo reitor da Universidade da Coruña.

<b>Código Seguro De Verificación</b>	4yiHUTvqfqTsFfapU18/kw==	<b>Estado</b>	<b>Data e hora</b>	
<b>Asinado Por</b>	Reitor - Ricardo José Cao Abad	Asinado	12/02/2026 23:20:57	
<b>Observacións</b>		<b>Páxina</b>	5/6	
<b>Url De Verificación</b>	<a href="https://sede.udc.gal/services/validation/4yiHUTvqfqTsFfapU18%2Fkw%3D%3D">https://sede.udc.gal/services/validation/4yiHUTvqfqTsFfapU18%2Fkw%3D%3D</a>			
<b>Normativa</b>	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).			

**ANEXO I.**
**Baremo aprobado en Xunta de Facultade de 7 de decembro do 2014.**

Baremo das probas específicas de acceso aos estudos de Grao en Ciencias da Actividade Física e do Deporte da Facultade de Ciencias do Deporte e a Educación Física da Universidade da Coruña.

**Bloque I:**

Proba 1. Adaptación ao medio acuático			
	Marca A		Marca B
Homes:	46.00s	Homes:	48.53s
Mulleres:	53.40s	Mulleres:	56.00s

**Bloque II:**


Proba 2. Proba de axilidade no chan			
	Marca A		Marca B
Homes:	7 puntos	Homes:	6.7 puntos
Mulleres:	7 puntos	Mulleres:	6.7 puntos

Proba 3. Carreira con obstáculos			
	Marca A		Marca B
Homes:	9.20s	Homes:	9.80s
Mulleres:	11.28s	Mulleres:	11.88s

Proba 4. Proba de habilidade có balón			
	Marca A		Marca B
Homes:	1min 40s	Homes:	1min 54s
Mulleres:	2min 35s	Mulleres:	3min 16s

**Bloque III.**

Proba 5. Proba de resistencia cíclica			
	Marca A		Marca B
Homes:	9min 44s	Homes:	10min 16s
Mulleres:	13min 01s	Mulleres:	13min 58s

<b>Código Seguro De Verificación</b>	4yiHUTvqfqTsFfapU18/kw==	<b>Estado</b>	<b>Data e hora</b>	
<b>Asinado Por</b>	Reitor - Ricardo José Cao Abad	Asinado	12/02/2026 23:20:57	
<b>Observacións</b>		<b>Páxina</b>	6/6	
<b>Url De Verificación</b>	<a href="https://sede.udc.gal/services/validation/4yiHUTvqfqTsFfapU18%2Fkw%3D%3D">https://sede.udc.gal/services/validation/4yiHUTvqfqTsFfapU18%2Fkw%3D%3D</a>			
<b>Normativa</b>	Este informe ten o carácter de copia electrónica auténtica con validez e eficacia administrativa de ORIGINAL (art. 27 Lei 39/2015).			